



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCXXIV. Zustimmungende Erklärung der Neustadt Salzwedel zu dem obigen Vertrage, vom 18. April 1373.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

vnd den, die sic holt houwe edder ghehouwen hedden In de meynem holte ouer dem nyen wegh funder orlof, scholden fy panden vor vyr schyllingh: vnd desse broke schal me nemen funder gnade vnd me schal dye hebben myt dem ghelde van dem queke vnd van de hauwe tu den kosten den berchfrede tu holdende vnd tu beternde: vnd wes hir ane entbreke, dat me mer vt scholde gheuen tu de kosten des berchfrede, dar scolde wie dye helfte von tu büten vnd sie die Ratmanne der nyen stat tu soltwedel die andern helfte. Wurde dar auer wes ouer, dat sculde me ok in der mathe holden, Also dat wie denne des dye helfte vnd sie dye andern helfte vpmemen schulden. Ok schal me dar twe Ratmanne tu settende, alse eynen vt vfer stat vnd Eynen erer stat, dye dyt ghelt vp nemen vnd dar mede tughen schollen, wes me tu dem Berchfrede vnd dar vpp bedorf. Fortmer schal me jo Eynen Ratman, dye van vfer edder van erer stat sye, dar tu schygken vnd hebben, dye den Berchfrede vorsta vnd Buare vyr weken, Also dat wy dar Eynen tu schygken, die en Inne hebbe vnd buare dy Ersten vyr weken vnd sie eynen, die en dar negheft vyr weken buare vnd alse vort den berchfrede tu holdende vnd tubuarende alle dye tyt, dye wie en dar hebben vnd holden wyllen. Vortmer von dye broke In dem Esschenholte vnd In Eykenholte vnd In dem heynholte schal me holden, Alse die var Oldinghes gheholden sint. In Eyne betuchnyse deffer dynk is vfer vorbenumeden stat Ingheseghel ghehanghen In dessen Bryf. Gegheuen na godes gebort duzent Jar drye hundert Jar dar na In dem drye vnd feuentstengheften Jare, des manendaghes In den Paschen.

Nach dem Originale des Salz. Archives VI, 12.

Ann. Auf der Rückseite trägt die Urkunde die alte Aufschrift: „Vom Bergfrieden vber dem Baeldamme.“

CCXXIV. Zustimmende Erklärung der Neustadt Salzwedel zu dem obigen Vertrage, vom 18. April 1373.

Wy Arndt van der Byfa, Coppe Brunow, Vritze van Krichelendorp, Thide Hilden, Heyne spenning, albrecht brewitze, Henninck rekeling, Ermbrechte, Henneke callene vnd Heytilbe, Ratmanne der nyenstad tho Soltwedel, Bekennen vnd betughen apenbare in desseme briue, dat wie myt rade vnd vulbort vnser eldesten vnd vnser wifesten sint endrechtich gheworden myt den wyfen luden den radtmannen der oldenstadt to Soltwedel Eynen berchfrede tu bouwende vnd tu settende vor den vort tu Lubbow vnd wat die berchfrede koste to buwende, tu settende, tu beterende vnd tu holdende, dat scole wy vnd willen half vtlegken vnd bekosteghen vnd die ander Helfte scolen sie dye Radtmanne der oldenstadt to soltwedel, vorbenomet, vtlegken vnd betalen. Wert ok, dat die yenne, die den berchfreden bevareden van vnser weggen vnd van erer weghene en ynne hedden, scaden dar van edder dar vppe nemen, Des got nicht enwille, den scaden scolden wie half legheren vnd die ratmanne der vorbenomeden oldenstadt tu soltwedel scolden die andere helfte des scaden legheren. Nemen sie ok vromen die jenne, die dessen berchfrede inne hedden, des vramen helfte scolde wie vnd sie die andere helfte vp boren. Vortmer tu den kosten dessen berchfrede to holdende, scal me nemen penninghe van dem vee vnd queke vnser borgher beyder stede tu soltwedel, also hir na bescreuen steyt, Alze van iewelker koo vier penninghe, se werde funderligken hodet edder sie ga vor dem herden: Van jewelken perde ses pen-

ninghe, dat iarich is vnd der weyde ouer deme nyen weghe edder vor deme nyen weghe bruket, van yewelkenn swine eynen penningh, dat der weyde bruket, Det ghelik van den scapen van yewelkeme scape eynn penningk, dat der weyde bruket, vnd yewelken voder Hoves enen penningk, dat vppe den wischen, die ouer deme nyen weghe ligken, ghewonnen wert. Vortmer die jenne, die den berchfrede beuaren, de scolen achtink dar vp hebben este yement meyde vnd begrafede der stat weyde ouer deme nyen weghe vnt holt howe in deme meynen holte ouer deme nyen weghe funder orlof, den scolen sye panden alzo, den die sie meygede vnd begrafede der stad weyde ouer deme nyen weghe scolen sie panden vor twe scillinghe, vnd den, die sic holt howe edder ghehoben hedde in deme meynen holte ouer deme nyen weghe funder orlof, scolden sie panden vor vir schillinghe: vnn desse broke scalme nemen funder gnade vnd me scal die hebben myt dem ghelde van dem queke vnd van dem Howe tu den kosten den berchfrede tu holdende vnd tu beterende, vnd wes hir ane entbreke, Dat me mer scolde vt gheuen tu den kosten des berchfrede, dar scole wie vnd willen die Helste van to buten vnd sie dy ratmannen der olden stat tu Soltwedel die andere Helste. Worde dar auer wes ouer, dat scolme ok in der mate holden, Alzo dat wie denne des die Helste vnd sie die ander Helste vpmemen scolden. Ok scalme dar twe Radtmannen tu setten, alzo enen vt vnser stad vnd enen vt erer stad, dy dit gelt vp nemen vnd dar mede tughen scolden, wes me to deme berchfrede vnd dar vppe bedarf. Vortmer scalme se enen Ratmann die van vnser edder van erer stad sie dar tu schickken vnd hebben, die den berchfrede vorsta vnd beware vir wekene, Alzo dat die Radtmann van der olden stad dar enen tu schicken die ene inne hebbe vnd beware die ersten vir wekene, vnd wy enen, die en dar negeft vir wekene beware, Vnd alzo vort den berchfrede tu holdende vnd tu bewarende alle die tit, dye wie en dar hebben vnd holden willen. Vortmer vme die broke in deme eschen holte vnd in eykene vnd in deme Heyn holte scalme holden, alze die van oldinghes gheholden sinn. In eyne betuchnisse desser dink is vnser vorbenomeden stat Inghezeghel ghehanghen in dessen openen brif. Ghegheuen na godes bort drutteinhundert jar dar na in deme drie vnd fouentigheften jare, des mandaghes in deme paschen.

Nach dem Orig. des Salz. Archives VI, 13.

CCXXV. Der Rath der Altstadt Salzwedel stellt dem Hospital des heil. Georg einen Schuldbrief aus über 80 Pfund Pfennige, am 4. Juli 1373.

Nos Gylle Turisse, Thyde Gartze, Jacobus Brunow, Johannes Wytke, Hinricus Wyting, Hinricus Wyltede, Kerstian Plame, Vicke Rademien, Thyde Brevisse, Petrus Lodder, Nicolaus Godscalc et Johannes Chyden, Consules antique civitatis Soltwedel, presentibus recognoscimus publice protestantes universis, quod discreti viri, Gerardus Brunowe et Johannes Burmester, nostri dilecti concives, pronunc provifores Hospitalis sancti Georgii, ante dictam nostram civitatem in fine ville Perwer situati, nobis in parata pecunia, ad domum consilij nostri, octoginta talenta denariorum nostre monete, predicto Hospitali pertinentia, et per nos in usum supra dicte civitatis nostre conversa, presentarunt, hoc modo scilicet, quod nos, vel nostri in consilio successores, ipsis vel eorum in dicto officio successoribus, quolibet anno, quamdiu prenominata octoginta talenta de-